

Kanatshishkatunanut tshetshi nishtutatunanut

Eukuan ushkat ka takuak uauetashueun mamishitshemun kamakunueshiu-takuaimatsheun. Minupannu tshetshi aimituht mak tshetshi ishpitenimituht anitshenat kiatshitaukuht nenu mamishitshemunnu.

Ne tshe natshishkatunanut eukuan tshetshi mamu uauitamek^u ne ka ishpanit mak e tat peik^u auen eka nenu kiatshitaukut.

UA UTITAIKANIT :

E uitshiaushit ne ka ui minupanitat, napeu kie ma ishkuueu, ute ut nimashinaikanitshuapinat, ume natshishkatunanuti umenua ui utitaikanua :

- tshetshi tshiam uitamin etenitamin mak tshetshi natutut ne kutak uin eshi-uapatak;
- tshetshi kau uauitakanit ka ishpanit mak tatipan eshi-uapatahk tshetshi uitahk;
- tshetshi kau shutshenimitunanut;
- nanikutini, tshetshi ut minu-aimitunanut anite nikan.

ESHK^u EKA

Eshk^u eka natshishkatunanut tshetshi nishtutatunanut, tshika tshi aimitunau ashit ne ka ui minupanitat, napeu kie ma ishkuueu, ne tshe tshiuenamashk eshi-kukuetshitshemuin mak eshi-aieshkushiuinikauin tshekuan.

MEKUAT :

Mekuat netshishkatunanut tshetshi nishtutatunanut, anitshenat nenu kiatshitaukuht tshika tshi uitsheukuat auennua uinuau ka naushunat. Kamakunueshiniti kie ma ne kamakunueshiniti ka tshitapataminiti tshiamishiunnu apu tshika ut kamakunueshiuashpishuniti.

Tshe ishpish ne natshishkatunanut, ne ka ui minupanitat, napeu kie ma ishkuueu, nanitam anite tshika tau mak tshika nakatuenitam^u tshetshi minupannit e aimitunannut. Eshi-tshiuenamaturunanut tshetshi ui minupanitakanit, apu ne tshika ut mishiuepanitakanit.

KATSHI :

Nishtutatunanuti, tshika mashinatautishuat uauetashuenu tshashtamakak ne ka atushkatet mamishitshemun.

Eka minupaniti, ne Katshitapatak kamakunueshiu-aitunnu uin tshika utinam^u aimunnu tshe aitinannut ne e uitakanit mamishitshemun. Tshipa tshi tshipaim^u nenu mashinaikannu kie ma tshipa tshi naushunam^u tshetshi nanatuapatitshenannut kamakunueshiu-takuaimatsheunnu e uitakannit.

Kananatuapatitshenanut kamakunueshiu-takuaimatsheun

Katshitapatak kamakunueshiu-aitunnu tshipa tshi issishueu tshetshi nanatuapatitshenannut miam katshitaitshemakak anite mamu katananut : nipun kie ma e mishta-ushikuiakanit auen, katshi mishta-matshi-tutuakanit auen kamakunuesht e atamitshikuakanit kie ma kutak tshekuan e mishta-ishpanit.

Ne nianatuapatitshenanut eukuan tshetshi minu-tshikanakuak ne ka ishpanit. Ek^u, ne kananatuapatitshet, napeu kie ma ishkuueu, tshika natshishkuueu nenua kauapatitsheniti tshe ut katshitinak kutaka ka uitamatshemakanniti ka ishi-uapatitshenanut tshe ut uitshikut (mashinaikana, kashekupaniakaniht kie kutaka tshekuana).



TSHI NE PIMIPANIT

Tshi nanatuapatitshenanut, ne Katshitapatak kamakunueshiu-aitunnu umenu peik^u e nishunnit tshika utinam^u :

- **Eka ishpish uitshikut nenu ka ishi-uapatitshenannut, apu tshika ut utinak nenu ka mamishitshemuin.** Ne ishinakuaki, aimun tshika katshitinen e mashinaimakauin, tshe minu-uitamakauin tshekuan uet eka utinakanit ne ka mamishitshemuin. Tshika tshi natueniten kau tshetshi uaueshi-tshitapatakanit ne ka utinakanit aimun.
- **Uitshikut nenu ka ishi-uapatitshenannut, tshika patshitinam^u peik^u kie ma mitshet aimuna anite Kamamunakanniti kamakunueshiu-takuaimatsheunit.** Ne Katshitapatak kamakunueshiu-aitunnu tshika natashtau ka mamushatshinakannit ka ishi-uapatitshenannut anite mekuat pimipaniakanitiaui kauapatitshet tshe natutuakaniht. Anitshenat kiatshitaukuht nenu kamamishitshemunannut tshika tshi kie uinuau patshitinamuat utaimunnuau ka ishpannit mak tshetshi kassinu ishi-kutshipanitaht tshetshi tshishpeuatitshuht.

Kamamunakaniht kamakunueshiu-takuaimatsheunit

KA UT UAUETASHUAPATET KAUAUESHTAKANIT

Kamamunakaniht kamakunueshiu-takuaimatsheunit, eukuan an ka ut uauetashuapatet kauaueshtakanit.

TIPANISHIU

Tipanishiu uesh apu uesh tapishinit, auat anite kamakunueshiu-aitunit, kie anite nenu Katshitapataminiti kamakunueshiu-atusseunnu.

KATSHISHPEUATAT AUENNUA

Eshinakuannit utatusseun, eukuan tshetshi tshishpeuatat auennua.

UETINAKANIT AIMUN

Natutam^u eshi-natashtuakut Katshitapataminiti kamakunueshiu-aitunnu mak uin tshe petshitinak aimunnu miam, tatuau uatakannit eka menuenitakannit, ne Eshipimutenanut kamakunueshiu-takuaimatsheun Uepishtikueiau-assit ishpitenitakanipan.

ESHI-ANUENIMITUNANUT

Uin iapit uitam^u tshe ishi-anuenimaushit e minu-tshitapatak eshinakuannit tshetshi aiteit, e ishpitenitak nenu Uauetashueunnu kamakunueshiu-aitunit.

kamakunueshiu-takuaimatsheunit

Tshika ui mashinatain eshi-mamishitshemuin.

Anu ui tshissenitamini, natshi-uapaminan anite atusseu-katshitapakanit, tshe tshissipitamin – « Natashta eshi-mamishitshemuin » .

deontologie-policiere.gouv.qc.ca



ISHPISH MINIKAUIN

Anu ishpish minikauin tshetshi mamishitshemuin, peikupipuna, anite uet atshitakanit ne ka ishpanit tshekuan (kie ma anite ka ut tshissenitamini ne ka ishpanit tshekuan). **Ueshamipanitaini ne ishpish minikauin tshetshi mamishitshemuin, apu tshika ut tshi tshitapatamat ne ka mamishitshemuin.**



KA UAPATAKANIT NE KAMATSHI-TUTAKANIT

Apu tshi pikushinataikanit ne ka uapatakanit kamatshi-tutakanit, ka katshitanamin. Tshin itenitamini, eka minupanikauin e nashakanit ne eshi-pimutenanut anite meshinatet tshimashinaikanit ka uapatakanit ne kamatshi-tutakanit, tshika tshi uiten e nashamin ne ishpish minikauin miam anite etashtet tshimashinaikanit.

Katshitapatak kamakunueshiu-takuaimatsheunnu

Katshitapatak kamakunueshiu-takuaimatsheunnu katshitanam^u kie atusseshtam^u mamishitshemunnu nenu auennua kiatshitaukuniti nenu Eshi-pimutenannut kamakunueshiu-takuaimatsheunnu ute Uepishtikueiau-assit.

Mamuitun an ka nakatuenimat auennua eka ka tapishinniti anite uet tipenitakannit kamakunueshiu-aitunit.

Auenitshenat niashahk nenu Eshi-pimutenannut kamakunueshiu-takuaimatsheunnu ute Uepishtikueiau-assit ?

- Kassinu kamakunueshiht Uepishtikueiau-assit (apu uinakanit ute anitshenat ka atusseshtuht Tshishe-utshimaua ukamakunueshiminua.
- Tipan ka ishi-uinakanit kamakunueshiht (kauaueshtakanit, Kamishta-utshimau-aiminanut kie kutaka e uitakaniti)
- Kamakunueshiht ka nakatuenimaht aueshisha
- Kamakunueshiht ka nakatuapatitsheht meshkanat
- Kananatuapatitsheht anite UPAC mak anite Mashinaikanitshuapit tipan kananatuapatitshehtenat (BEI)

Eshi-pimutenanut nashakanu miam auenitshenat mekuat tutakau utatusseunnuau mak e taht anite mamu katanannut.

Tshui uitshikushin a ?

Anu ui tshissenitamini kie ma ui uitshikushiini tshetshi mashinaikanashtain ne miamishitshemuin, tshika tshi aiminan.

Tshipa tshi kie natuapaminan nimashinaikanitshuapinat Uepishtikueiat kie ma Munianit :

Eka e mitshiminamin tshitapun tshetshi natshishkuaiat, ushkat-atushman nuash namesh-e-muakanit, 8:30 nuash 12:00.

E mitshiminamin tshitapun tshetshi natshishkuaiat, ushkat-atushman nuash namesh-e-muakanit 13:30 nuash 14:30. (ui mitshiminamini tshitapun, matuetunan enuet 24:00 nikan)

Uepishtikueiat

2535, boul. Laurier, bureau 1.06
Québec (Québec) G1V 4M3
Tél. : 418 643-7897 / kaiminanut
Télé. : 418 528-9473 / takapitshenikan

Munianit

2050, rue De Bleury, bureau 7.50
Montréal (Québec) H3A 2J5
Tél. : 514 864-1784 / Kaiminanut
Télé. : 514 864-3552 / Takapitshenikan

deontologie-policiere.gouv.qc.ca
deontologie-policiere.quebec@msp.gouv.qc.ca

1 877 237-7897

Tshetshi kuishku-pimutenanut atusseunit, e ishpenitakannit kassinu auen utipenitamun

Mamishitshemun kamakunueshiu-takuaimatsheunit